

# Lebih 99 peratus peruntukan dibelanja

13 APR 2002

KUALA LUMPUR, Selasa - Datuk Set-i Dr Mahathir Mohamad berkata, masalah projek terbengkalai dan peruntukan kerajaan gagal dihabiskan, hampir diatasi sepenuhnya melalui tindakan bersepadu kerajaan.

Perdana Menteri berkata, tahun lalu, hampir semua projek atau 99.6 peratus peruntukan projek untuk kementerian, dapat dilaksanakan.

"Kerap kali kita dapati peruntukan bagi tahun-tahun sebelum ini tidak diha-

biskan dan banyak projek terbengkalai. Tetapi pada tahun 2001, atas tindakan yang istimewa, kita dapat mencapai pelaksanaan itu hampir semua," katanya menjawab soalan tambahan 'Datuk Railey Jeffrey (BN-Sijam) Pada sidang Dewan Rakyat di sini, hari ini.

Beliau yang juga Menteri Kewangan yakin negara mampu mencapai pertumbuhan ekonomi lebih menggalakkan tahun ini berikutan pelaksanaan projek mengikut pakej

rangsangan tahun lalu.

Kerajaan mengumumkan pakej rangsangan fiskal RM3 bilion pada Mac dan RM4.3 bilion pada September tahun lalu bagi memastikan pertumbuhan berterusan dalam keadaan ekonomi sejagat agak perlahan.

"Dengan melaksanakan kedua-dua pakej ini, sektor awam mernainkan peranan utama dalam menjana pertumbuhan ekonomi," katanya menjawab soalan asal Railey.

Dr Mahathir berkata, pe-

laksanaan rangsangan fiskal dapat membantu meningkatkan perbelanjaan dan permintaan dalam negara, terutama penggunaan swasta yang terus bertambah sebanyak 2.8 peratus tahun lalu.

Sektor pembinaan pula meningkat lebih sekali ganda daripada satu peratus pada 2000 manakala industri pembuatan yang keluarannya berkaitan dengan bahan binaan meningkat antara 4.7 peratus hingga 12.5 peratus.

"Pelaksanaan projek

rangsangan itu memberi keuntungan terutama kepada kontraktor kecil tempatan, Bumiputera dan bukan Bumiputera selain rakyat dan penduduk luar bandar," katanya.

Menjawab soalan tambahan Datuk Dr Jamaluddin Jarjis (BN-Rompin) sama ada pakej rangsangan sedemikian akan terus dilaksanakan bagi menggerakkan ekonomi negara berikutan ekonomi dunia yang masih tidak menentu, Perdana Menteri berkata:

**Oleh Nadzim Ahmad Jamaluddin dan Wan Esuriyanti Wan Ahmad**

"Apabila kita mampu dan ada duit yang cukup kita akan belanjai untuk kebaikan rakyat dan membangunkan negara."

Ketika menjawab soalan tambahan Abdul Rahman Yusof (Keadilan-Kema-

man), beliau meminta Ahli Parlimen dari Terengganu membuktikan terlebih dulu dakwaan kononnya pelabur asing tidak lagi melabur di Malaysia dengan memberi perangsang.